



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 313. Usque Ad Annum 361

**Fleury, Claude**

**August. Vind. [u.a.], 1758**

**VD18 90117778**

§. 57. Concilium Constantinopolitanum. Marcellus Ancyranus depositus.

---

[urn:nbn:de:hbz:466:1-66022](https://nbn-resolving.org/urn:nbn:de:hbz:466:1-66022)

men reverenter suscepit; id quoque ve-  
 rum, a Constantino juniore, Imperato-  
 ris filio, tunc in Galliis imperante, &  
 Trevis residente, non honoribus modo,  
 sed omnibus ad sustentationem necessa-  
 riis fuisse cumulatam; ad hæc permove-  
 batur optima Athanasii fama, & digna  
 fastigio viri specie, quodque sciret, quan-  
 to eum affectu populus Alexandrinus  
 profeceretur. Tunc etiam in S. Roma-  
 na Sede novus successit Episcopus; S. Syl-  
 vester Papa, postquam ferme viginti duo-  
 bus annis sedisset, obierat ultima die De-  
 cembri anno 335, & Marcus decima o-  
 ctava Januarii anno 336. electus fuerat.

Sæculum IV.  
 A. C. 336.

§. LVII.

*Concilium Constantinopolitanum. Mar-  
 cellus Ancyranus depositus.*

Interim Constantinopoli Concilium age-  
 batur Episcoporum ex diversis Provin-  
 ciis, Ponto, Cappadocia, Asia, Phrygia,  
 Bithynia, Thracia, aliisque Europæ par-  
 tibus congregatorum. Alexander Epif-  
 copus Constantinopolitanus, videns in  
 eo Eusebianos dominari, obstitabat qui-  
 dem, sed frustra. Causa Marcelli Ancyra-  
 ni movebatur, & accusatio Jerosolymæ  
 in medium prolata renovabatur, cujus  
 caput erat, quod in libro suo contra So-  
 phistam Asterium hæreses scripserat. So-  
 phistæ

*Eus. Marcel.  
 L. 2. in fine.  
 p. 55.  
 Sup. §. 55.*

Sæculum IV. A. C. 336. *Athan. de Synod. pag. 887.* phistæ dicebantur, qui, professo studio Philosophiæ, & Eloquentiæ operam dabant; Asterius, in Cappadocia natus hanc artem in Galatia docuerat, eamque reliquerat, ut se Christianum profiteretur, imo S. Luciani Antiocheni Discipulus fuisse ferebatur; hoc autem de eo exploratum erat, quod in Persecutione Maximiani Idolis sacrificaverit, quæ macula impedierat, ne ab Eusebianis inter Clericos susciperetur, quamvis inter eorum Discipulos esset facile zelosissimus, nunquam a latere eorum discederet, & in ipsos Episcoporum conventus ab eis induceretur. Is Eusebianorum consilio librum scripserat, eorum erroribus referentem, id est, nefandis Arii blasphemis; percurrens Syriam, omnibus hunc librum ostendebat, audebatque in Ecclesiis Clericorum loco sedere, & publice prælegere. Marcellus Episcopus Ancyranus, Galatiæ Metropolitanus, hunc librum refutare aggressus, alium composuit, cui titulum dedit: De Subjectione Domini N. J. C. in quo illa S. Pauli explicabat verba: Cum tradiderit Regnum Patri, & reliqua. Eusebius Cæsariensis tres libros scripsit, quos hodieque habemus, quibus Marcello respondet. Acacius ejus Cæsareæ Successor, de eadem materia scripsit. Ipse Asterius proprium librum defendit, scripsitque contra Marcellum, eum

*Hilar. contr. Arianos. 1. Cor. 15. 24.*

eum Sabellianismi accusans; hæc quippe Sæculum IV. A. C. 336.  
 erat familiaris Arianorum in Catholicos  
 objectio; eaque accusationis contra Mar-  
 cellum Jerosolymæ formatæ, & Constan-  
 tinopoli renovatæ fuit fundamentum.

Eusebiani quoque Marcellum jacta- Socr. 6. Sozom. II. c. 33.  
 bant a se convictum, quod Pauli Samo-  
 fateni Doctrinam teneret, diceretque, Fi-  
 lium Dei initium ex Maria sumpsisse, &  
 Regnum ejus finem habiturum. Imo di-  
 cebant, eum promississe, se librum suum  
 flammis traditurum, quod cum facere de-  
 trectaret, & constanter eorum sollicita-  
 tionibus resisteret, Imperatoris iram in  
 eum concitarunt, obtendentes, ab eo pa-  
 lam mandata Cæsaris contempta, cum  
 Dedicacioni Ecclesiæ Jerosolymitanæ in-  
 teresse noluerit. Ergo Marcellum de-  
 ponunt, imo & excommunicant, & in e-  
 jus locum Basilium sufficiunt, qui elo-  
 quens, aliisque instruendis par esse fere-  
 batur. Istum evehendo, potentem Se- Athan. in  
 Aria. I. p. 290. Epiph.  
 hæc. 73. n. II.  
 ctæ suæ defensorem conciliare putabant.  
 Eodem tempore fidei suæ expositionem  
 scripsere, Marcelli hæresibus, sua quidem  
 opinione, oppositam, quam ad Episcopos  
 Orientis miserunt, ut omnes scirent, in  
 quo sensu Doctrinam Consubstantialita-  
 tis recepissent; cum enim Symbolum Ni-  
 cænum, quæ erat fides Imperatoris, aper-  
 te impugnare non auderent, explicationi-  
 bus captiosis eludere conabantur.

§. LVIII.